

EGURALDIA. Ipar-mendebaldeko haize indartsuak jotzeko arriskua dagoela ohartarazi du SOS-Deiak-ek

Iragarpenek diote gaur elurra egingo duela 300 metrotik gora

Eguraldiak okerrera joko du nabarmen eguerdiaz geroztik

Erredakzioa | **GASTEIZ**

Litekeena da gaur elurra botatzea 300 metrora dauden tokietan. Izan ere, aurreikuspen guztien arabera, eguraldiak okerrerrako joera nabarmena du gaurko. Eguerditik aurrera gertatuko da hori, Eusko Jaurlaritzako Herrizaingo saileko SOS-Deiak zerbitzuak jakinarazi duenez.

EGUNKARIAKO aditua den Jon Albisuk, berriz, gehiago zehaztu eta gaur arratsalde partean elur-maila 600-800 metroan izango dela adierazi du, baina iluntzea sartzearekin batera 300 metrora jaitsiko dela aipatu du.

Era berean, ipar-mendebaldeko haize indartsuen eraginez, Euskal Herriko bai kostaldeko eta bai mendialdeko errepideetan ere «oso kontuz» ibiltzeko gomendatu du bereziki.

Albisuren antzera, Espainiako Metereologia Zentroak ohartarazi du «ipar-mendebaldeko egoera batek ipar haize hotz-hotza» ekarriko duela gaur, eta haize boladak 70 kilometro artekoak izan litezkeela jakinarazi du.

Iragarpenek diotenez, elur giroak jarraitu egingo du etzi, nahiz eta elur-maila igo egingo den pixka bat: 300-500 metro-ra. Ostegunerako, berriz, egoera normalduz joango da.

Bestalde, Jaurlaritzak gogorarazi du bi helbide daudela eguraldiaz informatzeko: www.trafico.euskadi.net sarean, eta 902 112 088 telefono zenbakian.

Arabian izan ziren atzo arazorik nabarmenenak

Arabako errepideetan egokitu ziren atzo arazorik handienak eguraldiaren eraginez. Horrela, Gasteiz eta Errioxa lotzen dituen Herrerako mendatea itxita egon zen arratsaldea bitartean, elurra eta izotza zeudelako. Halaber, Opakua eta Gasteizko mendatetik ibiltzea galarazi egin zieten kamioiei eta autobusei, eta Zaldiaranen, berriz, autoek kateak jarri beharra izan zuten.

Nafarroako lurraldean ere, alerta egoeran ibili ziren lanean neguko larrialdi zerbitzuak. Badaezpada ere, azpiegitura guztia prest eduki zuten A-15 eta N-1 errepideetan.



KARLOS BIGURI

Herrerako mendatea itxita egon zen atzo arratsaldeko lehenengo orduak arte elurra eta izotzagatik.

Irakaskuntza publikoa

2001-2002 ikastaroa

IKERKETA. Madrilgo Gobernuaren jarrera salatu du

I+G eskuduntzaren ukatzeagatik hamar urtean 140.000 milioi pezeta galdu dituela dio Jaurlaritzak

Erredakzioa | **DONOSTIA**

Josu Jon Imaz EAE Industria sailburuak eta Inaxio Oliveri Hezkuntza eta Ikerketa kontseilariak atzo adierazi zuten, ikerketa eta garapenaren finantzaketa 140.000 milioi pezeta kosta zaio Autonomia Elkarteari joan diren hamar urteotan. Imazen esanetan Estatutuak I+Gren konpetentzia autonomiari ematen dio, nahiz eta Madrilekin elkarlanean jardun be-

har duen. Eusko Jaurlaritzako bozeramailearen esanetan «elkarlan horretan oinarritzen da Madrilgo Gobernuaren konpetentzia hori ukatzeko». Eusko Jaurlaritzak hamar urtean 168.000 milioi gastatu ditu, eta horietatik ia 30.000 milioi baino ez dizkio itzuli Madrilgo Gobernuak, hori dela-eta, 140.000 milioi pezetako defizita batu du denbora horretan.

Hori dela-eta, Oliverik esan zuen Aznarren Gobernuarekin hitz egiten hasi nahi dutela, EA-Eko I+G sistema hobetzeko. Sistema berri horretan elkarte autonomoak ikerketa zientifiko eta teknologikoak aurrera eramateko plan propioak egingo lituzke, eta Gobernu zentralak behatzaile papera izango luke.

IZENA AURRETIK EMATEKO EPEA:
Haur Hezkuntza, Lehen Hezkuntza, DBH
otsailaren 26tik
martxoaren 9ra bitarte

Derrigorrezkoaren Ondoko
Bigarren Hezkuntza
maiatzaren 2tik
11ra bitarte

Nafarroako Gobernua
Hezkuntza eta Kultura
Departamentua



Gobierno de Navarra
Departamento de
Educación y Cultura

Nork bere seme-alabentzat hautatu duen ikastetxean eskaera bakarra aurkeztuko du, baina, beste ikastetxe batzuk ere hautatu ahal izango ditu lehentasun hurrenkeraren arabera.

Argibide zehatzagorik nahi izanez gero, 948 426 617 telefonora deitzea baduzue, edo Hezkuntza eta Kultura Departamentura joatea. (Santo Domingo K., z/g, Iruña)



eskaintza oso **eta kalitatezkoa, 3-18 urte**